

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
1	PARA 1.5.4	Cyfoeth Naturiol Cymru	Un arall o brif bwrpasau'r Cynllun yw codi ymwybyddiaeth a hyrwyddo rhinweddau arbennig yr AHNE.	Cytuno gyda'r sylw. <b>Argymhelliad: Ychwanegu cyfeiriad at godi ymwybyddiaeth a hyrwyddo rhinweddau arbennig i'r paragraff.</b>
2	CYD-DESTUN POLISI	Adran Economi ac Adfywio	Mae'r Cynllun Datblygu Gwledig (CDG) yn rhoi cyfleoedd gwirioneddol i gymunedau gwledig. Anogir cryfhau'r cyswllt rhwng y Cynllun a'r CDG yn sgîl y bygythiadau a'r newidiadau sydd ar droed yn sgîl Brexit.	Cytuno fod y Cynllun Datblygu Gwledig yn cynnig cyfleon sylweddol mewn sawl maes. <b>Argymhelliad: Rhoi mwy o wybodaeth am y CDG yn y Cyd-destun.</b>
2.1	CYD-DESTUN	Cyfoeth Naturiol Cymru	Mae'r adran yma yn cynnwys adolygiad o ddeddfau, strategaethau a dogfennau polisi. Mae'r rhannau mwyaf defnyddiol yn dangos perthnasedd a linciau i'r Cynllun. Gellir datblygu hwn ymhellach i ddangos pwysigrwydd pob dogfen a'u perthnasedd i'r Cynllun.	Cyfeiriwyd at y prif faterion heb fynd i fanylder, hefyd mae'r sefyllfa yn newid yn gyson. Gellir rhoi ystyriaeth i hyn pan yn adolygu'r Cynllun eto. <b>Argymhelliad: Dim Newid.</b>
2.2	PARA 2.5.1	Cyfoeth Naturiol Cymru	Byddai yn ddefnyddiol nodi fod y Confensiwn Tirlun Ewropeaidd wedi ei ddatblygu gan Gyngor Ewrop.	Cytuno gyda'r sylw. <b>Argymhelliad; Cynnwys yr wybodaeth.</b>
2.3	PARA 2.8	Cyfoeth Naturiol Cymru	Mae angen diweddarau i gydnabod y Polisi Amaeth Cyffredin a'r Cynllun Datblygu Gwledig a'r newid sylweddol yn sgîl Brexit a'r ansicrwydd mae hyn yn ei greu i'r sector wledig.	Cytuno â'r awgrym. <b>Argymhelliad: Cynnwys mwy o wybodaeth am y PAC, CDG a Brexit.</b>
2.4	PARA 2.17.3	Cyfoeth Naturiol Cymru	Gellir cynnwys rheolaeth gynaliadwy o adnoddau naturiol yma.	Cytuno gyda'r sylw. <b>Argymhelliad: Cynnwys yr wybodaeth.</b>
2.5	PARA 2.45.5	Cyfoeth Naturiol Cymru	Awgrymir dileu "lles yr AHNE" a rhoi "pwrpas yr AHNE" yn ei le.	Cytuno gyda'r awgrym. <b>Argymhelliad: Newid y geiriad.</b>
3	PARA 3.1.2	Cyfoeth Naturiol Cymru	Awgrymir tanlinellu pwysigrwydd yr angen elfennol am aer glir, dŵr a thir er mwyn i fywyd dynol barhau.	Derbyn yr awgrym. <b>Argymhelliad: Cynnwys cyfeiriad at hyn yn y paragraff.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
3.1	PARA 3.3.3	Cyfoeth Naturiol Cymru	Byddai cysylltu perthynas yr AHNE gyda'r Gwasanaethau Ecosystem yn ddefnyddiol i ddangos perthnasedd yr AHNE i'r dull hwn o weithio.	Derbyn. <b>Argymhelliad: Cynnwys cyfeiriad at hyn yn y paragraff.</b>
4	PARA 4.10.2	Cyfoeth Naturiol Cymru	Rhoddir sylw i allfudo, fodd bynnag mae'r Adroddiad Cyflwr yn nodi fod y boblogaeth wedi cynyddu ac mae'n bwysig adnabod effeithiau ar yr AHNE, fel y nodir mewn mwy o fanylder yn Adran 11.	Cytuno gyda'r sylw. <b>Argymhelliad: Cynnwys ychydig mwy o wybodaeth am fewnfudo yn para 4.10.1</b>
5	NODWEDDION ARBENNIG CYFFREDINOL	Cyfoeth Naturiol Cymru	Cydnabyddir fod nifer o weithredoedd sy'n deillio o'r Nodweddion Arbennig yn y Cynllun Gweithredu ond efallai y byddai yn ddefnyddiol i gynnwys ychydig mwy o wybodaeth am sut gall yr AHNE gynorthwyo i ymateb i rai o'r materion a godir yn y Adrannau hyn.	Gwnaed ymdrech i greu cynllun mwy cryno a chredir fod y cyswllt rhwng y materion allweddol a'r gweithredodd yn eithaf clir. <b>Argymhelliad: Dim Newid</b>
5.1	PARA 5.2.8	Cyfoeth Naturiol Cymru	Wrth ddefnyddio dull rheolaeth gynaliadwy o adnoddau naturiol (SMNR) byddai yn ddefnyddiol nodi hefyd y budd mae unigolion a chymdeithas yn ei gael trwy wirfoddoli a chyfrannu yn ddemocrataidd trwy ymgynghori cyhoeddus ynghlwm â'r AHNE, a digwyddiadau lleol.	Cytuno gyda'r sylwadau. <b>Argymhelliad: Cynnwys brawddeg ychwanegol yn y paragraff yn cyfeirio at y materion hyn.</b>
5.2	PARA 5.4.2	Cyfoeth Naturiol Cymru	Efallai y gellir cynnwys cyfeiriad at gymunedau arfordirol yn cyfyngu ar effaith newid hinsawdd ac yn dod y gryfach o ran delio efo effeithiau newid hinsawdd.	Cyfeirio at harddwch y tirlun a'r arfordir mae'r weledigaeth hon ac ni chredir fod angen cyfeirio at gymunedau arfordirol yma. <b>Argymhelliad: Dim newid.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
5.3	PARA 5.5.2	Cyfoeth Naturiol Cymru	Awgrymu y gellir cynnwys cyfeiriad at gynnal safon dŵr arbennig o dda.	Cytuno â'r awgrym. <b>Argymhelliad: Cynnwys cyfeiriad at gynnal safon dŵr arbennig o dda.</b>
5.4	PARA 5.6	Cyfoeth Naturiol Cymru	Byddai gwybodaeth fanylach o'r Adroddiad Cyflwr wedi bod yn ddefnyddiol i ddeall natur a graddfa newid mewn Cynefinoedd a Bywyd Gwyllt a deall beth angen ei wneud. Gall gwybodaeth o'r datganiadau Ardal fwydo i mewn i'r adolygiad nesaf.	Derbyn y sylw a nodir at yr adolygiad nesaf. <b>Argymhelliad: Dim Newid.</b>
5.6	PARA 5.11.1	Cyfoeth Naturiol Cymru	Nodir y bwriad i wella cyfleon i rai ag anabledau erbyn 2040 - ond dylai cerrig milltir o ran cyrraedd y nod hwn gael eu nodi yn llawer cynt na hynny.	Mae 2040 yn deillio o'r brif weledigaeth ac yn gamarweiniol yma. <b>Argymhelliad: Dileu'r cyfeiriad at 2040 o'r frawddeg.</b>
6	PARA 6.1.8	Cyfoeth Naturiol Cymru	Mae mwy o wybodaeth ar gael am ACA Pen Llŷn a'r Sarnau a fyddai yn berthnasol wrth ystyried unrhyw gynigion a allai effeithio ar yr ACA neu'r AHNE.	Cytuno. <b>Argymhelliad: Cynnwys cyswllt i safle we ACA Pen Llyn a'r Sarnau.</b>
6.1	PARA 6.6.1	Cyfoeth Naturiol Cymru	Pwysig nodi hefyd yr angen i gynnal a hyrwyddo cysylltedd rhwng cynefinoedd.	Derbyn y sylw. <b>Argymhelliad: Nodi pwysigrwydd cysylltedd rhwng cynefinoedd yn yr Adran hon.</b>
6.3	PARA 6.9.2	Ymgyrch Diogelu Cymru Wledig	Dylid gwneud mwy o'r tanddaearu gwifrau ar y Fwlch yr Eifl - un o ychydig esiamplau o wella tirlun yr AHNE.	Cytuno - gellir cyfeirio at hyn a chynlluniau eraill. <b>Argymhelliad: Cynnwys mwy o wybodaeth am gynlluniau tanddaearu gwifrau yn y paragraff.</b>
6.4	PARA 6.12.2	Cyfoeth Naturiol Cymru	Awgrymir nodi yr ansicrwydd o ran cynlluniau amaeth-amgylcheddol, Y Cynllun Datblygu Gwledig a Brexit.	Derbyn y sylw. <b>Argymhelliad: Cynnwys brawddeg yn cyfeirio at hyn yn y paragraff.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
6.5	POLISI TP2- GWRTHSEFYLL DATBLYGIADAU FYDDAI YN AMLWG AR Y TIRLUN.	Cyfoeth Naturiol Cymru	Efallai fod lle i ystyried cyfeirio at leihau effeithiau datblygiadau presennol yn y polisi hwn.	Mae Polisi TP 5 yn cyfeirio at safleoedd ac adeiladau blêr ac ymwthiol. <b>Argymhelliad: Dim Newid</b>
6.6	POLISI TP3 - GWARCHOD ARFFORDIR ARBENNIG LLYN	Cyfoeth Naturiol Cymru	Awgrymir cynnwys y gair "anaddas" o ran datblygiadau fyddai yn cyd-fynd gyda Polisi Cynllunio Cymru.	Cytuno â'r awgrym. <b>Argymhelliad: Newid y polisi trwy newid y gair "arwyddocaol" gyda "anaddas".</b>
6.7	POLISI TP9 - GWRTHSEFYLL DATBLYGIADAU CARAFANAU NEWYDD AC ESTYNIADAU I SAFLEOEDD PRESENNOL MEWN LLEOLIADAU AMLWG AR DIRLUN NEU ARFFORDIR YR AHNE.	Mr Peter Hewlett	Mae geiriad y polisi drafft yn awgrymu fod safleoedd carafanau teithiol newydd ac estyniadau i rai presennol yn dderbyniol os nad ydynt "mewn lleoliadau amlwg ar y tirlun neu'r arfordir" . Beth a olygir gyda "amlwg" ? Mae hyn yn agored i wahanol farn ac felly fe allai olygu fod y Polisi yn ddi-werth fel modd o atal carafanau rhag difrodi y tirlun, posibilrwydd sydd yn cael ei godi yn y Cynllun. Dylai'r polisi nodi "Gwrthwynebu datblygiadau carafanau newydd ac estyniadau i safleoedd presennol yn, a gerllaw'r AHNE, a hyrwyddo tirlunio safleoedd presennol."	Mae'r Cynllun yn cydnabod fod carafanau yn medru cael effaith ar dirlun yr ardal a golygfeydd a chytunir fod pwysedd gan y math yma o ddatblygiadau wedi cynyddu yn ddiweddar. Oherwydd hynny awgrymir cynnal arolwg o garafanau yn yr ardal yn 2019 fel ychwanegiad i'r Cynllun. Ond rhaid derbyn fod carafanau yn ddull arallgyfeirio a ffynhonnell incwm pwysig. Hefyd, bydd ceisiadau yn cael ei penderfynu ar sail y Polisiâu Cynllunio Lleol a Chenedlaethol. Credir ei bod yn bwysig pwysu a mesur ceisiadau yn ofalus a gwrthwynebu safleoedd sydd yn anaddas. gellir mesur addasrwydd trwy pa mor amlwg ar y tirlun yw'r safle, mynediad cyhoeddus, mynediad, dynodiadau lleol ac unrhyw wybodaeth berthnasol arall. <b>Argymhelliad: Dim Newid.</b>
7	TAWELWCH A LLYGREDD ISEL - PRIF NOD	Cyfoeth Naturiol Cymru	Fyddai "tangnefedd"/"tranquility" yn fwy addas na "diogelwch" ?	Cytuno, camgymeriad yw hwn. <b>Argymhelliad: Cyfnewid "Diogelwch" am "Dangnefedd".</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
8	PARA 8.1.6	Cyfoeth Naturiol Cymru	Mae hwn angen ei ddiweddarau o ran y cyfrifoldebau newydd am fioamrywiaeth a ecosystemau ar awdurdodau cyhoeddus - adran 6 Deddf yr Amgylchedd (Cymru) 2016, yn ogystal â datganiadau clir i warchod safleoedd dynodedig.	Cytuno fod angen diweddarau'r wybodaeth.. <b>Argymhelliad: Cynnwys gwybodaeth am Deddf Amgylchedd Cymru a chyfrifoldebau perthnasol.</b>
8.1	PARA 8.2.2	Cyfoeth Naturiol Cymru	Pan fo coedlannau ar dir ym mherchnogaeth CNC mae'n bwysig i'r AHNE gael mewnbwn i'r Cynlluniau Adnodd Coedwigaeth sy'n cael eu paratoi.	Cytuno. <b>Argymhelliad: Holi CNC os oes ganddynt goedlannau yn yr AHNE a newid y para i adlewyrchu hynny.</b>
8.3	POLISI B1 - CYNEFINOEDD	Cyfoeth Naturiol Cymru	Awgrymir cyfuno gyda Polisi B3 er cryfhau'r geiriad.	Nodir y sylw ond credir y byddai'r well cadw'r ddau bolisi ar wahân. <b>Argymhelliad: Cryfhau geiriad Polisi BP 1 i gynnwys y cymal ychwanegol yn polisi BP 3.</b>
8.3	POLISI BP 1 - CYNEFINOEDD	CNC - Adran Aseiad Amgylcheddol	Awgrymir newid y cyfeiriad at gyflwr safleoedd o "boddhaol" i "ffafriol" er mwyn cysondeb â'r iaith a ddefnyddir wrth fonitro safleoedd.	Cytuno â'r awgrym. <b>Argymhelliad: Cynnwys y gair "ffafriol" yn lle "boddhaol" yn y polisi.</b>
8.4	POLISI BP 1 - CYNEFINOEDD	CNC - Adran Aseiad Amgylcheddol	Argymhell cynnwys cam diogelu o dan y polisi: "Dylai'r holl gynigion ddangos sut y maent yn osgoi effeithiau niweidiol ar safleoedd Ewropeaidd unigol a SoDDGA, ac ar gydlynid y rhwydwaith yn ei gyfanrwydd."	Gellir cynnwys y cam diogelu yn eglurhad y polisi. <b>Argymhelliad: Cynnwys y cam diogelu yn eglurhad polisi BP 1.</b>
8.6	POLISI BP 3 - RHYWOGAETHAU	CNC - Adran Aseiad Amgylcheddol	Awgrymir newid y cyfeiriad at gyflwr safleoedd o "boddhaol" i "ffafriol" er mwyn cysondeb â'r iaith a ddefnyddir wrth fonitro safleoedd.	Cytuno â'r awgrym. <b>Argymhelliad: Cynnwys y gair "ffafriol" yn lle "boddhaol" yn y polisi.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
10	YR IAITH GYMRAEG A DIWYLLIANT - CYFFREDINOL	Cyfoeth Naturiol Cymru	Gellir cyfeirio at bolisiau Llywodraeth Cymru e.e. Iaith Fyw 2012-17 a Chymraeg 2050 yn Mynd a Chymru Ymlaen 2016-2021 gyda'r targed o 1 miliwn o siaradwyr.	Cytuno. <b>Argymhelliad: Cynnwys cyfeiriad at y materion hyn yn y Cyflwyniad.</b>
10.1	YR IAITH GYMRAEG A DIWYLLIANT - CYFFREDINOL	Cyfoeth Naturiol Cymru	Mae tirlun, bywyd gwylt a mannau i ymweld â hwy yn adnodd i gynnal yr iaith Gymraeg trwy enwau ar fannau, bywyd gwylt a llystyfiant. Hefyd mae cysylltiad efo sgiliau gwledig e.e. ffermio, rheoli tir ayb. Mae llawer o'r termau yma, yn y Gymraeg a'r Saesneg, yn cael eu colli.	Maen hyn yn wir ac mae'r Gwasanaeth AHNE wedi datblygu prosiectau i gofnodi gwybodaeth am enwau caeau, ffynhonnau a'r arfordir. <b>Argymhelliad: Cynnwys cyfeiriad at bwysigrwydd cynnal enwau ar weithgareddau a sgiliau yn y Cynllun.</b>
10.2	YR IAITH GYMRAEG A DIWYLLIANT - CYFFREDINOL	Cyfoeth Naturiol Cymru	Bydd cefnogaeth i'r diwydiant amaeth a meithrin entrepreneuriaeth yn bwysig i gymunedau gwledig yn dilyn Brexit er cynnal siaradwyr Cymraeg.	Cytuno â'r sylw, mae'r Cynllun yn anelu i gefnogi amaeth a chymunedau gwledig, a bydd mesurau cefnogol eraill gan y Cyngor hefyd. <b>Argymhelliad: Dim newid.</b>
10.3	YR IAITH GYMRAEG A DIWYLLIANT - CYFFREDINOL	Cyfoeth Naturiol Cymru	Mae'r AHNE mewn lle da i gyrraedd cynulleidfa newydd a sefydliadau chwaraeon er hyrwyddo'r iaith Gymraeg yn eu gweithgareddau yn ogystal â chefnogi cyfryngau digidol a technoleg.	Sylw diddorol, mae'r rhan fwyaf o sefydliadau chwaraeon a chymdeithasol yn yr ardal yn defnyddio'r Gymraeg yn barod. <b>Argymhelliad: Dim Newid</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
11	POBOL A CHYMUNED - CYFFREDINOL	Cyfoeth Naturiol Cymru	Cefnogir y rhan yma a'r cysylltiad gyda amcanion Deddf Llesiant ond yn hoffi gweld llawer mwy o gysylltiad rhwng iechyd a gwaith yr AHNE. Mae gan y Tirweddau Dynodedig le unigryw i'w chwarae o ran iechyd meddwl ac atal salwch a'i bod yn bwysig rhoi sylw i hyn yn y Cynllun gan wneud cysylltiadau rhwng rheoli adnoddau naturiol (awyr iach, dŵr a thir cynhyrchiol), bywyd gwylt, tawelwch, llygredd, newid hinsawdd, cymunedau, ymglymiad cymdeithasol, hamdden, mynediad a chefnogi'r economi leol.	Cytuno fod gan yr AHNE le pwysig i'w chwarae o ran iechyd, lles meddyliol a chorfforol ac atal salwch. <b>Argymhelliad: Cynnwys mwy o gefndir o ran y buddion iechyd a lles all yr AHNE ei gynnig yng nghyflwyniad yr Adran hon.</b>
11.1	POLISI GP6: HYRWYDDO A CHYNORTHWYO MENTRAU CYDWEITHREDOL	Swyddog Adfywio Cymunedol	Awgrymu newid o "CYDWEITHREDOL" i "CYMDEITHASOL" gan fod hyn yn cwmpasu mwy o sefydliadau.	Cytuno fod hwn yn derm mwy addas. <b>Argymhelliad: Newid "Cydwethredol" i "Cymdeithasol".</b>
12	CYNNYRCH LLEOL A BUSNESAU GWLEDIG - CYFFREDINOL	Adran Economi ac Adfywio	Mae'r Adran wedi datblygu a gweithredu cynlluniau sydd yn cefnogi pobl ifanc i fentro mewn busnes ac i aros yn eu milltir sgwâr. Oes cyfle drwy'r Cynllun i ategu pwysigrwydd y genhedlaeth ifanc i aros yn Llŷn a'r gefnogaeth i gynlluniau sydd yn annog creu swyddi o werth uchel ?	Mae'r Cynllun yn cydnabod pwysigrwydd pobol ifanc i'r gymuned a'r ardal, cytuno fod Swyddi Gwerth Uchel yn bwysig yn hyn o beth. <b>Argymhelliad: Cynnwys gwybodaeth am gynlluniau Swyddi Gwerth Uchel a'r cyfraniad y gallent eu wneud i helpu pobol ifanc aros yn yr ardal.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
12.1	CYNNYRCH LLEOL A BUSNESAU GWLEDIG - CYFFREDINOL	Adran Economi ac Adfywio	Mae cryfhau cysylltiadau digidol yn greiddiol mewn ardal wledig. Croesawn ddatblygiadau yn y maes digidol er mwyn i drigolion gael mynediad i swyddi gwerth uchel. Byddwn yn awyddus i weld hynny yn digwydd yn y modd mwyaf sensitif i'r amgylchedd lleol a'r AHNE.	Cydnabyddir fod y maes digidol yn cynnig cyfleon i ardal wledig fel Llŷn ac fod ddim llawer yn cael ei nodi am hynny yn y Cynllun Rheoli. <b>Argymhelliad: Cynnwys mwy o wybodaeth am y maes digidol a'r cyfleon sy'n bodoli yn sgîl hynny.</b>
12.1	POLISI GP 1 - HYRWDYDDO'R DIWYDIANT FFERMIO TRWY FENTRAU MARCHNATA, MEITHRIN SGILIAU GWLEDIG TRADDODIADOL.	Cyfoeth Naturiol Cymru	Mae AHNE eraill Cymru wedi llwyddo i ddatblygu cynlluniau sgiliau gwledig gyda colegau lleol neu PC Eryri. Mae hyn yn cysylltu i Polisi TP4.	Mae hyn wedi ei adnabod fel gweithred a Pholisi. <b>Argymhelliad: Dim Newid.</b>
12.11	POLISI GP 9 - DATBLYGIADAU HAMDDEN	CNC - Adran Aseiad Amgylcheddol	Awgrymir hefyd y dylai bod cyfeiriad eglur at "safleoedd gwarchoddedig eraill".	Cytuno â'r awgrym. <b>Argymhelliad: Cynnwys "neu safleoedd gwarchoddedig eraill" ar ddiwedd y polisi.</b>



RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
12.2	CYNNYRCH LLEOL A BUSNESAU GWLEDIG - CYFFREDINOL	Adran Economi ac Adfywio	<p>Mae'r diwydiant twristiaeth yn bwysig ym Mhen Llŷn ac mae dylanwad y diwydiant yn fawr ar economi ac amgylchedd yr ardal. A oes modd cynyddu statws twristiaeth o fewn y Cynllun ?</p> <p>Mae ei ddylanwad yn amlwg ar faterion megis yr amgylchedd, isadeiledd, gwasanaethau, cymunedau ac mae cyfle drwy'r Cynllun i gydweithio i adnabod blaenoriaethau ac yn ei dro cynlluniau a allai gyrraedd cydbwysedd rhwng datblygiad a gwarchodaeth. Er yn heriol, credir y byddai'n fuddiol trafod y cyfle i gynyddu gwariant ymwelwyr ac ymestyn y tymor yn yr ardal a hynny mewn ffordd gynaliadwy a gwarchodol o'r amgylchedd.</p>	<p>Cytuno fod y diwydiant yn dod ag incwm a gwaith ac yn cael dylanwad sylweddol ar yr ardal.</p> <p><b>Argymhelliad: Cynnwys mwy o wybodaeth am gyfraniad ariannol a swyddi mewn twristiaeth yn y Cynllun a rhoi mwy o ystyriaeth i'r cyfleon a'r sgîl effeithiau yn y Strategaeth Dwristiaeth Gynaliadwy arfaethedig.</b></p>
12.3	CYNNYRCH LLEOL A BUSNESAU GWLEDIG - CYFFREDINOL	Gwasanaeth Twristiaeth a Marchnata	Tydi pwysigrwydd y sector i'r gymuned arfordirol yma ddim yn amlygu. Rhoddir y pwyslais ar y goblygiadau ar anawsterau.	<p>Fel a nodir uchod bwriedir cynnwys mwy o wybodaeth am gyfraniad economaidd twristiaeth ac edrych yn fanylach ar y mater yn y Strategaeth.</p> <p><b>Argymhelliad: Newid fel uchod.</b></p>
12.4	CYNNYRCH LLEOL A BUSNESAU GWLEDIG - CYFFREDINOL	Gwasanaeth Twristiaeth a Marchnata	Pwysigrwydd digwyddiadau a'r Llwybr Arfordir Cenedlaethol angen mwy o sylw.	<p>Rhoddi cryn sylw i'r Llwybr Arfordir ond ddim llawer i ddigwyddiadau. <b>Argymhelliad: cynnwys mwy o wybodaeth am ddigwyddiadau yn a gerllaw'r ardal a chyfleon i gynhyrchwyr.</b></p>
12.5	CYNNYRCH LLEOL A BUSNESAU GWLEDIG - CYFFREDINOL	Gwasanaeth Twristiaeth a Marchnata	Angen mwy o gyswllt gyda'r Ddeddf Llesiant o ran y maes Hamdden a Thwristiaeth.	<p>Cytuno. <b>Argymhelliad: Cynnwys cyfeiriad at Ddeddf Llesiant Cenedlaethau'r Dyfodol 2015 yn yr Adran hon.</b></p>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
12.6	CYNNYRCH LLEOL A BUSNESAU GWLEDIG - CYFFREDINOL	Gwasanaeth Twristiaeth a Marchnata	Rhaglen Ffyrdd Cymru – rhaglen Dat Econ / Adfywio Llywodraeth am y deg mlynedd nesaf gyda Croeso Cymru yn arwain. Ffordd y Glannau yn cychwyn yn Aberdaron a gorffen yn Nhŷ Ddewi.	Mae hwn yn gynllun newydd gan Llywodraeth Cymru. <b>Argymhelliad: Cynnwys gwybodaeth am y Rhaglen Ffyrdd Cymru yn y Cynllun.</b>
12.7	PARA 12.2.1	Cyfoeth Naturiol Cymru	Credir y byddai yn fuddiol cyfeirio at gynnal bridiau lleol e.e. defaid Llŷn oherwydd eu bod yn helpu i gynnal cymeriad a naws yr ardal.	Mae amrywiaeth o fridiau gwartheg a defaid yn yr ardal ac mae defaid Llŷn bellach yn boblogaidd mewn llawer ardal. <b>Argymhelliad: Dim Newid.</b>
12.8	PARA 12.8.1	Cyfoeth Naturiol Cymru	Byddai yn fuddiol i gynnwys gwybodaeth am bwysigrwydd swyddi yn y sector gyhoeddus yma.	Cytuno, byddai yn ddefnyddiol cynnwys gwybodaeth ychwanegol. <b>Argymhelliad: Cynnwys gwybodaeth am bwysigrwydd y sector gyhoeddus yn y paragraff.</b>
12.9	PARA 12.8.1	Cyfoeth Naturiol Cymru	Ydi cyflogaeth tymhorol felly yn fater i gyfeirio ato fel ystyriaeth ?	Gellir cyfeirio at natur tymhorol swyddi yn y maes twristiaeth. <b>Argymhelliad: Ychwanegu gwybodaeth am hyn yn y paragraff.</b>
13	HAWLIAU TRAMWY A MYNEDIAD - CYFFREDINOL	Cyfoeth Naturiol Cymru	Mae Tir Mynediad Agored, yn cynnwys Tir Comin, a ddynodwyd dan Ddeddf CRoW 2000 yn dir mynediad pwysig a gysylltiedig gan Hawliau Tramwy a'r Llwybr Arfordir. Efallai fod mannau lle gellir creu llwybrau newydd i greu mynediad i'r tiroedd hyn. Hefyd mae lle i godi ymwybyddiaeth am y llwybrau hyn o bwysigrwydd mawr ac mae angen cyfleu yr wybodaeth mewn dulliau heblaw mapiau AO e.e. mapiau electronig ac appiau.	Mae'r Gwasanaeth AHNE yn gefnogol i lwybrau newydd i gysylltu â thir mynediad ac wedi cyfrannau at ariannu llwybrau o'r fath. Cytunir hefyd y byddai'n dda codi ymwybyddiaeth ohonynt trwy amrywiol dulliau. <b>Argymhelliad: Cynnwys gweithred ychwanegol yn cyfeirio at greu llwybrau cysylltiol newydd at dir mynediad a chodi ymwybyddiaeth yn ddigidol a thrwy Llygad Llŷn.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
13.2	PARA 13.1.8	Cyfoeth Naturiol Cymru	Byddai yn ddefnyddiol pwysleisio y cyswllt gyda Partneriaeth Tirlun Llŷn e.e. gwaith ymarferol i wella llwybrau a chysylltiadau gyda Ecoamgueddfa Llŷn.	Cytuno. <b>Argymhelliad: Cyfeirio at y materion yn y Cyflwyniad fel gwaith a wnaed eisoes a chyfleon at y dyfodol.</b>
13.3	PARA 13.11.2	Cyfoeth Naturiol Cymru	Wrth adolygu'r Cynllun Gwella Hawliau Tramwy mae angen rhoi ystyriaeth i sut fydd HT yn cael ei rheoli yn y dyfodol, yn arbennig mewn perthynas â blaenoriaethau ac adnoddau ar gael. Ni fydd yn bosib gwireddu'r weledigaeth o ran HT heb adnoddau eraill neu gynllun busnes. Oherwydd fod rhannau sylweddol ddim mewn defnydd "cyson" mae perygl i'w statws yn sgîl y criteria presennol.	Sylw teg fydd yn cael ei anfon ymlaen i'r Uned Hawliau Tramwy am ystyriaeth bellach. <b>Argymhelliad: Dim Newid.</b>
13.4	PARA 13.11.2	Cyfoeth Naturiol Cymru	Cefnogir sefydlu a datblygu grŵp gwirfoddolwyr i wneud rhan o'r gwaith sy'n llesol o ran iechyd, cyfrannu, cymuned a'r iaith Gymraeg ond ni all hynny fod yn gwbl ddigonol i atal colli rhannau pwysig o'r rhwydwaith.	Cytuno gyda'r sylwadau - eu hanfon ymlaen i'r Uned Hawliau Tramwy. <b>Argymhelliad: Dim Newid.</b>
14	CYNLLUN GWEITHREDU - CYFFREDINOL	Adran Economi ac Adfywio	Croesawu cydweithio ar wireddu rhannau o'r Cynllun Gweithredu. Credir y byddai o fantais cyfeirio at sut y bydd yr AHNE yn cyfrannu tuag at reoli twristiaeth yn yr ardal a'r plethiant gyda'r gwaith Rheoli Cyrchfan a blaenoriaethau Strategol y Cyngor.	Mae gweithred wedi ei nodi dan Bolisi GP 10 yn nodi "Comisiynnu a chyhoeddi Strategaeth Twristiaeth Gynaliadwy ar gyfer Llŷn a'r AHNE". <b>Argymhelliad: Cynnwys mwy o wybodaeth am reoli cyrchfan a gosod yr Adran Economi ac adfywio fel partner o ran y Strategaeth Dwristiaeth Gynaliadwy.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
14.1	PARA 14.1.3	Cyfoeth Naturiol Cymru	Croesawir y cyfeiriad at asesu llwyddiant y Cynllun blaenorol ond credu y gellir rhoi mwy o wybodaeth i weld beth oedd yn effeithiol, beth oedd heb weithio a phaham.	Gellir cynnwys ychydig mwy o wybodaeth. <b>Argymhelliad: Cynnwys mwy o wybodaeth am llwyddiannau'r Cynllun Rheoli blaenorol yn y paragraff.</b>
14.2	PARA 14.2.1	Cyfoeth Naturiol Cymru	Adnabyddir pwysigrwydd ymgysylltu gyda sectorau perthnasol wrth ddatblygu'r Cynllun er mwyn perchnogaeth ac ymrwymiad i gydweithio a gwireddu rhannau perthnasol.	Cytuno gyda'r sylw. <b>Argymhelliad: Cynnwys cyfeiriad at ymgysylltu ac ymgynghori.</b>
14.3	PARA 14.2.4	Cyfoeth Naturiol Cymru	Efallai y gellir tynnu sylw at brosiectau y Gronfa sydd yn gysylltiedig â'r Cynllun i ddangos y cyfraniad a all y Gronfa ei wneud i wireddu blaenoriaethau allweddol.	Cytuno. <b>Argymhelliad: Cynnwys gwybodaeth am rai prosiectau llwyddiannus yn y paragraff.</b>
14.4	GWEITHREDU - POLISI TP 9 - CARAFANAU	Ymgyrch Diogelu Cymru Wledig	Credir fod angen gweithred i gyd-fynd â'r datganiad yn para 6.13.2 (fod angen asesiad manwl o garafanau yn yr AHNE) er mwyn darparu tystiolaeth mewn achosion o geisiadau am safleoedd newydd ac estyniadau, yr effaith gronol ar y tirlun a hefyd er cryfhau'r polisi cynllunio.	Sylw rhesymol a theg. <b>Argymhelliad: Cynnwys gweithred ychwanegol dan y polisi yn nodi y bwriedir cynnal arolwg o garafanau yn ardal Llŷn a'r AHNE yn 2019. Partner arweiniol: Cyngor Gwynedd.</b>
14.5	GWEITHREDU - POLISI TP9 - CARAFANAU	Cyfoeth Naturiol Cymru	Gellir cryfhau yma drwy gydweithio hefo partneriaid perthnasol i fonitro os yw safleoedd yn cydymffurfio gyda'r hawliau.	Cytuno. <b>Argymhelliad: Cynnwys gweithred ychwanegol yn cyfeirio at fonitro safleoedd carafanau a nodi Cyngor Gwynedd fel partner arweiniol.</b>
14.6	POLISI PP2 - DŴR A PHRIDD	Cyfoeth Naturiol Cymru	Gellir cyfeirio at y gwaith gan CNC mewn perthynas â dŵr a phridd.	Derbyn y sylw. <b>Argymhelliad: Cynnwys hyn fel pwynt gweithredu.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
14.7	POLISI BP3 - RHYWOGAETHAU	Cyfoeth Naturiol Cymru	Byddai CNC yn falch o'r cyfle i roi mewnbwn i'r brosiectau ail-gyflwyno siacar goch a cynyddu dyfrgwn yn yr ardal a chefnogir y Côd Morol.	Falch o'r gefnogaeth a'r diddordeb. <b>Argymhelliad: Gosod Cyfoeth Naturiol Cymru fel partner gyda'r prosiectau.</b>
14.8	POLISI BP6 - RHYWOGAETHAU YMLEDOL	Cyfoeth Naturiol Cymru	Mae CNC yn ymwneud gyda rhaglen waith gynhwysfawr o ran trin rhywogaethau ymledol (INNS) sy'n cael ei ariannu gan Llywodraeth Cymru. Byddai yn fuddiol i AHNE Llŷn ac adrannau perthnasol o Gyngor Gwynedd i gysylltu efo hyn os na wnaed eisoes.	Gwybodaeth ddefnyddiol. <b>Argymhelliad: Cyfeirio at hyn yn y Cynllun Gweithredu.</b>
14.9	GWEITHREDU POLISI HP6: MYNEDIAD AT ADNODDAU HANESYDDOL LLEOL	Swyddog Adfywio Cymunedol	Awgrymu gweithred ychwanegol: Rhoi cefnogaeth i dargedu ffynonellau cefnogaeth ac ariannol. Partneriaid - Gwasanaeth Adfywio Cymunedol ac eraill.	Cytuno gyda'r awgrym gan y byddai'n cryfhau'r Cynllun ac yn adlewyrchu'r gwaith a wneir. <b>Argymhelliad: Gosod gweithred ychwanegol dan bolisi HP 6.</b>
14.1	GWEITHREDU POLISI CP1 - CYFLEUSTERAU CYMUNEDOL	Swyddog Adfywio Cymunedol	Awgrymu gweithred ychwanegol: Hyrwyddo cynaliadwyedd adnoddau cymunedol drwy ddatblygu gwasanaethau sy'n ymateb i gyfleon lleol. Partneriaid: Gwasanaeth Adfywio Cymunedol	Cytuno, byddai yn cryfhau'r Cynllun ac yn adlewyrchu'r gwaith a wneir. <b>Argymhelliad: Gosod gweithred ychwanegol dan y polisi CP1.</b>
14.11	POLISI MP 3 - HYRWYDDO'R DEFNYDDO GYLCHDEITHIAU LLEOL	Cyfoeth Naturiol Cymru	Gyda phrinder adnoddau byddai yn ddefnyddiol ail-ymweld gwaith a wnaed eisoes e.e. Cylchdeithiau Arfordirol yn cysylltu i'r Llwybr Arfordir a hyrwyddo cyfleusterau beicio a ddatblygwyd yn 2004 yn ogystal â hyrwyddo'r ardal yn sgîl Sportif Beicio Llŷn.	Mae'r Gwasanaeth AHNE wedi cydweithio ar y cylchdeithiau arfordirol a chodi ymwybyddiaeth, wedi ail-lansio'r teithiau beics yn 2017 ac wedi noddi y Sportif Beicio. <b>Argymhelliad: Dim Newid.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
14.12	POLISI MP7- HYRWDDO DULLIAU CYNALIADWY O DEITHIO.	O Ddrws i Ddrws	Cefnogir y Polisi a'r weithred o "Rhedeg a hyrwyddo gwasanaeth Bws Arfordir Llŷn". Bydd hynny yn golygu y bydd cais am adnoddau i redeg y gwasanaeth arloesol yn cael ei wneud pan yn cyflwyno cyllideb ar gyfer AHNE Llŷn yn ystod y misoedd nesaf.	Nodir y sylw a'r gefnogaeth i'r Polisi. Fodd bynnag, menter gan O Ddrws i Ddrws yw hon ac nid yw'r ffaith fod cyfeiriad at y Bws Arfordir yn golygu y bydd y Gwasanaeth AHNE yn gwneud cais i'w ariannu. <b>Argymhelliad: Dim Newid.</b>
15	PARA 15.2.1	Cyfoeth Naturiol Cymru	Dylai adrodd ar gynnydd ffurfio rhan o ddiweddarau CNC ar gynnydd o ran Cyllid Partneriaeth ac adroddiadau diwedd blwyddyn.	Cytuno gyda'r hyn a gynigir. <b>Argymhelliad: Newid y paragraff i gyfeirio at hyn.</b>
15.1	PARA 15.6.1	Ymgyrch Diogelu Cymru Wledig	Gallai'r Cydbwyllgor fod yn fwy effeithiol/ gweithredol o ran monitro'r Cynllun Gweithredu a'r polisiau yn gyson; gallai hyn wneud diweddarau'r Cynllun tro nesaf yn haws.	Gall y gwasanaeth AHNE adrodd yn ôl i'r Cydbwyllgor yn gyson. Ni chredir fod angen newid y paragraff. <b>Argymhelliad: Dim Newid.</b>
16	ADRODDIAD SGRINIO	Cyfoeth Naturiol Cymru - Adran Asesiad Amgylcheddol	Adroddiad Amgylcheddol Strategol (AAS) - derbynir nad yw'r newidiadau arfaethedig yn yr adolygiad hwn yn debygol o gael effaith sylweddol ar yr amgylchedd.	Derbyn y sylw. <b>Argymhelliad: Dim Newid</b>
16.1	ADRODDIAD SGRINIO	CNC - Adran Asesiad Amgylcheddol	Mae'n debygol y bydd angen AAS llawn ar gyfer yr adolygiad nesaf o'r Cynllun.	Derbyn y sylw. <b>Argymhelliad: Dim Newid - i'w ystyried ar gyfer yr adolygiad nesaf.</b>
16.2	ADRODDIAD SGRINIO	CNC - Adran Asesiad Amgylcheddol	Asesiad Rheoliadau Cynefinoedd (ARhC) - cytunir â'r casgliad o ddim effeithiau sylweddol tebygol os cynhelir asesiadau ARhC ar lefel cynllun haen isaf neu lefel prosiect. Dylid nodi hyn yn y ARhC.	Cytunir fod achosion yn bodoli lle mae'n anodd mesur effaith cynllun neu brosiect ar lefel haen uchaf. <b>Argymhelliad: Addasu'r Adroddiad Sgrinio i adlewyrchu'r sefyllfa a chynnwys cyfeiriad at hyn yn y Cynllun Rheoli.</b>

RHAN O'R CYNLLUN		SYLW GAN	CRYNODEB O'R SYLWADAU	YMATEB GWASANAETH AHNE
16.3	ADRODDIAD SGRINIO	CNC - Adran Aseiad Amgylcheddol	Tabl 1 - awgrymir fod effaith rhai polisïau yn ansicr ar y lefel hon a dylid dangos hynny yn y tabl a nodi y bydd angen ARhC ar lefel haen isaf neu brosiect.	Derbyn. <b>Argymhelliad: Addasu'r Adroddiad Sgrinio i adlewyrchu hyn.</b>
17	CYFFREDINOL	Ymgyrch Diogelu Cymru Wledig	Ceir ar ddeall by bydd y fersiwn derfynol yn cynnwys lluniau, graffiau, mapiau ayb. Byddai cyfle i wneud sylwadau ar y rhain yn cael ei groesawu.	Y drefn arferol yw dirprwyo'r hawl i swyddogion benderfynu ar y materion hyn. <b>Argymhelliad: Cynnwys lluniau, mapiau a graffiau yn y Cynllun terfynol fel y bwriadwyd.</b>
17.1	CYFFREDINOL	Ymgyrch Diogelu Cymru Wledig	Ceir ar ddeall y bwriedir paratoi fersiwn gryo/crynodeb a chroesawir hyn. Byddai cyfle i wneud sylwadau ar y ddogfen yn cael ei groesawu.	Cytuno. <b>Argymhelliad: Dim newid i'r Cynllun ond dod a'r fersiwn gryo gerbron y Cydbwyllgor am sylwadau.</b>
17.2	CYFFREDINOL	Ymgyrch Diogelu Cymru Wledig	Byddai rhestr gyfeirio/ llyfryddiaeth, troednodiadau a chyfeiriad at safleoedd gwe yn ddefnyddiol.	Mae bwriad i gynnwys rhain. <b>Argymhelliad: Cynnwys rhestr gyfeirio/ llyfryddiaeth, troednodiadau a chyfeiriadau at safleoedd gwe fel a fwriadwyd.</b>
17.3	CYFFREDINOL	Cyfoeth Naturiol Cymru	Mae'r Adroddiad o Gyflwr yr AHNE yn cynnwys gwybodaeth ddefnyddiol er darparu sail ar gyfer y Cynllun. Fodd bynnag credir y byddai yn fwy effeithiol i gryfhau rhai manau: diffyg gwybodaeth am gyflwr bioamrywiaeth, mwy o wybodaeth am y diwydiant pysgota, adeiladau rhestredig, twristiaeth, safon dŵr, newid hinsawdd ac yn fwyaf penodol iechyd a lles - lle credir fod gan yr AHNE rôl bwysig i'w chwarae.	Roedd yr Adroddiad o Gyflwr yr AHNE wedi ei chomisiynu gan Gwmni LUC ar ran Tirweddau Dynodedig gogledd Cymru. Derbynnir fod rhai manau gwan ynddi a gellir cywiro hyn ar gyfer yr adolygiadiad nesaf o'r Cynllun. Hefyd mae gan y gwasanaeth AHNE wybodaeth gefndir ychwanegol sydd heb ei gynnwys yn y Cynllun a'r bwriad yw cynnwys yr wybodaeth mewn dogfen ar y safle we. <b>Argymhelliad: Dim Newid ond nodi'r sylwadau ar gyfer yr adolygiad nesaf.</b>